

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Martinvs Bvcervs

[urn:nbn:de:bsz:31-271751](#)

MARTINVS BVCERVS

Theologus,



Dum viuo, Christum doceo; pro munere cœlum
Dat Christus: negat hinc Papa cruentus humum.

M. D. LI.

MARTINVS BVCERVVS SELESTADII CE-
lebri Alsatiæ oppido natus, anno M. CCCCC-XC:
Cui ex Dominicanorum cloacâ, Lutheri voce,
VVormatim coram Cæsare liberè loquentis,
excito, varijsque insidijs post appetito,
Restitutam apud se Argentina (vt & Ulma)
lubens debet Ecclesiam:

Cuius & eruditionem singularem, & zelum pie-
tatis eximium, cum eximiâ prudentiâ coniun-
ctum, omnibus leculis testabuntur, tum doctissi-
mæ ipsius lucubrationes, & in publicis Comitijs
disputationes habitæ, tum pro Ecclesiârum
pace, quamvis non felici semper suc-
cessu, labores exhausti;

Is igitur Theologus verè Aretius Bucerus, post
vicennium integrum, quo Argentinae sacras
literas in Ecclesiâ & scholâ docuit, in

Angliam demum profectus:

Edouardo VI. Religiosi. Rege vocante, Canta-
brigie in Academiâ Theologiam, summo cum
doctorum piorumque omnium concursu,
circiter biennium professus:

Quum placidâ morte Prid. KL. Mart. anno M. D.
I. l. annum atatis agens LXI. obiisset:

Quinto post anno, euerio post Eduardii Regis obi-
tum Religionis statu, erutus crematusque,
anno M.D. LVI. martyrij palmarum tulit:

Quarto rursus post anno, admirabili rerum vicis-
titudine, sub Elisabetâ Regina, iudicio aduer-
sus innocentem publicè rescisso, in integrum

restitutus, anno M.D.LX.

IN MARTINVM BVCERVUM.

Theologum.

EPIGRAMMATA.

THEOD. BEZAE.

Natales Bucere tuos Germania iactat,

Natalibus felix tuis.

Quis verò & quātus fueris, tua scripta loquuntur,

Ad littus orbis vltimum.

De vita si quis rogaret, Germania dicet:

Inuita Bucerum expuli.

Ast ego sic pulsum (pia dixerit Anglia) foui,

Tandemq; texi mortuum.

Verū mox eadem (factum o innmans) sepulcro

Flammis cremanuit erutum.

Fallor ego, totus terrena facis an expers?

Bucere sic cælum tenes?

IOANNIS CHECI.

Vita grauis misero, grauior mors sed tibi tanto

Mors nec vita potest esse Bucere grauis.

Vita fuit Christus, mors lucrum: vivere cessas

Nature: at Christus vita perennis adest.

Alma fides Christi, quam tu super astra ferebas,

Te super astra eadem sustulit alma fides.

Quumq; tui mores, pietas, doctrina probentur:

Mors tua non grauis est, & grauis est eadem.

Mors grauis est nobis orbatis Lamine tanto:

Non grauis est tibi, que vita beatari tibi est.

*Doctrinæ studium, vitæ constantia, mortis
Exitus, ô idem sit mihi Christe precor.*

ALEXANDRI NOVELLI.

*Cognita Germanis, benè cognita sancta Britannis
Vita Bucere tua, & lingua Bucere tua.*

*Cognita sunt latū sanctissima scripta per orbem:
Quæ si nulla magis, docta nec villa magis.*

*Sed Cantabrigia, non toto cognitus anno,
Conditus es tumulo, magne Bucere, breui.*

*Sic Cantabrigia, fatorum lege, Bucere
Cognitus & decus es, conditus & dolor es.*

VERGILIUS GVLIELMI BVCLAEI.

*Lis est, Germanus fuerit né Bucerus, an Anglus:
Vtrāq; gentes, causam quo tueatur, habet.*

*Mundanum celebris fecit Germania ciuem:
Cœlestem ciuem terra Britanna facit.*

*At cœlum mundo longe est præstantius: ergo
Conditiō melior terra Britanna tua est.*

THOMÆ HATGERI.

*Germanis Martine tuis, est nota Britannis,
Omni nota solo fama Bucere tua.*

*Te tua magnificis Germania laudibus effert:
His dedit, & nunc dat terra Britanna pares.*

*Omni nota solo tua scripta Bucere leguntur:
Quæ prohibent dominum morte perire suum.*

GVILIELMI VVICHANI.

Laudémne? an lacrymem tua tristia fata Bucere:
Nobis sunt sanè tristia, leta tibi.
Te nobis lacrymo, diuine Bucere, reuulsum:
Gratulor annexum te tamen esse Deo.
Funus idem vnius letum est & triste Buceri:
Ipsa tamen maius gaudia pondus habent.
Non tibi, sed nobis moreris, Martine: beatus,
Qui moritur mundo, viuat ut ille Deo.

GVILIELMI DALL.

Et vita felix Bucere, & morte fuisti:
Et cœlum, geminâ sorte beatus, habes.
Quid viuus poteras optare beatus vñquam,
Quam viuâ sumnum voce docere Deum?
Quid moriens, quam (quod viuus sèpè ante peristi)
Vita quod hac docuit, morte docere tuâ?
Scilicet hac superas isti sortitus ad oras:
Vt meritò ex omni parte beatus eas.
Sic ô sic iusti misero rapiuntur ab orbe:
Ne videat mœstos turba beata dies.

THOMAE IEFFRAE.

In sanctos sequit mundus, sera bella minatur:
Nouit cum Christo vincere vera fides.
Bella gerit mundus tecum, diuine Bucere:
Tu semper fidei nomine tutus eras.
Nobilis ô fidei doctor, Christiq; minister:
Tu procul à mundo nunc super astra manes.

P. CANDIDI.

Ornauit, docuit, conformauit q̄ Bucerus
Templa, scholas, vrbes eloquio, arte, fide.

IOAN. LAVTERBACHII.

Ecclesiastes orbis est ludibrium.

Doctrinā rerum Bucerus cultus & arte:

*Insida liber Sortis in orbe iocus:
Iactatus terra, pelagi iactatus & vndis,
Ob Christum fortipectore damnatulit.
Sortis contemnens ludibia, magnaq; rerum,
Doctrina sparrit semina pura Dei.*

*Non operum docuit meritis eterna mereri:
In Christo solā iustificante fide.*

*E patriā cedens, à Rege vocatus ad Anglos
Externā vixit, nec diuturnus humo.
Hi sine mente fidem renocantes, condita quamuis
Ingrati nudant corpora, dant q; rogo.*

*Post Regina tamen cum magno prorsus honore
Restituens cineres ponere curat humo.*

*Somniet in mundo ne verbi Doctor honores:
Sortis enim verbi est Doctor in orbe iocus.*

ANONYMI.

*Ludibrium sortis, varie iactatus ARETI,
Semina doctrina pandis vbiq; tuae.*

K

Præreptum fato tumulauerat Anglia corpus:
Quod cadit in tristes atra fauilla rogos.
Regia sed cineres virgo miserata reposos
Urna supremo ius sit honore datur.

N. REV SNERI.

Multum equidem Bucere tibi Germania debet:
Anglia sed debet plus tamen ipsa tibi.
Nam pietas & religio te sancta docente
Crescit, habetque decus clarificata suum.
Scit Cantabrigia urbs, scit & Argentina: probasti
Cui doctor fidei pectora plena pia.
Te quamuis inuita fugat Germania: quamuis
Anglia post mortem te (scelus) ipsa cremat.
Quem viuum colit, & digno veneratur honore:
Quam facti tandem paenitet usq; sui.
Maior ab exequiis tua nunc quoque gloria surgit.
Quis sis, & quantus, pagina multa docet.
Februa ter septena cremat, negat ultima: cœlo
Quæ tibi vita datur, vita beatæ datur.
Eteostichon Iosephi à Pinu

Currit ut obliquo per Pisces tramite Phœbus:
Bucerus felix regna superna capit.